

Visoki predstavnik održao nekoliko sastanaka na visokom nivou u Briselu

Visoki predstavnik, Wolfgang Petritsch, u srijedu je razgovarao sa visokim međunarodnim zvaničnicima u Briselu. Visoki predstavnik je posjetio Brisel kako bi se obratio Sjeverno-atlanskom vijeću, najvišem organu NATO-a koji donosi odluke, i Vijeću za evro-atlansko partnerstvo (EACP), multilateralnom forumu gdje se 19 država-članica NATO-a i 27 država-partnera redovno sastaju kako bi razgovarali o političkim i sigurnosnim pitanjima.

Na sastanku sa generalnim sekretarom NATO-a, Georgeom Robertsonom, Visoki predstavnik je naglasio da je hapšenje optuženih za ratne zločine, Radovana Karadžića i Ratka Mladića, te njihovo prebacivanje u Hag, od izuzetne važnosti za trajno učvršćivanje mira u Bosni i Hercegovini. Lord Robertson je podržao strategiju Visokog predstavnika u BiH, kao i koncept odgovornosti, te pozvao vlasti u BiH da se više oslone na vlastite snage. U vezi sa pitanjem koordinacije vojnih i civilnih struktura zaduženih za implementaciju mirovnog sporazuma, lord Robertson je Visokom predstavniku dao ponovne garancije, rekavši: "Došli smo zajedno, zajedno pravimo uspješne korake i zajedno ćemo i otići".

Visoki predstavnik je također imao plodne razgovore u vezi sa prospektima i mogućnostima regionalne saradnje u jugoistočnoj Evropi sa dr. Erhardom Busekom, novim specijalnim koordinatorom Pakta stabilnosti. Nakon toga, Visoki predstavnik se sastao sa Chrisom Pattenom, komesarom EU za vanjske poslove, i razgovarao o reformi policije u BiH, kao i reorganizaciji aktivnosti međunarodne zajednice u BiH. Visoki predstavnik je Komesara Pattena u detalje brifirao o reorganizaciji. Komesar Patten je izrazio punu podršku Visokom predstavniku i njegovom radu, te je naglasio važnost izgradnje institucija u BiH kako bi se ova zemlja približila Europskoj uniji.